



«БЕКІТЕМІН»
Алматы облыстық
білім беруді дамыту
оқу – әдістемелік орталығы
директоры
А.Ж. Қабдұлова

**«Дарынды балаларға - талантты ұстаз» облыстық педагогикалық
олимпиадасын ұйымдастыру және өткізудің
(бұдан әрі - Педагогикалық олимпиада)**

Ережесі

Жалпы ереже

1. Педагогикалық олимпиада мұғалімдердің дарынды балалармен - педагогикалық білім берудің барлық деңгейлерінде жұмыс жасауға дайындықтың бір түрі болып табылады.
2. Педагогикалық олимпиада педагогтың жеке шығармашылық кеңістігін шоғырландыруға, зерттеушілік - ізденушілік бағытын тандауға, педагогикалық өз ойын білдіру тәсілдерін және жеке шығармашылық жолын табуға мүмкіндік береді.
3. Осы Ереже ҚР «Білім туралы» заңына, 2020-2025 жылдарға арналған ҚР білім беруді және ғылымды дамытудың мемлекеттік бағдарламасына, ҚР жаңа формациялы педагогтың үздіксіз педагогикалық білім берудің тұжырымдамасына сәйкес жасалған.

Олимпиаданың мақсаты мен міндеттері

4. Педагогикалық олимпиаданың мақсаты - жас педагог қызметкерлердің шығармашылық әлеуетін және өзін-өзі дамыту үшін жағдай жасау, білім беру жүйесін жетілдіруге жас мұғалімдердің белсенді кәсіби көзқарасын қалыптастыру.
5. Педагогикалық олимпиаданың міндеттері:
 - педагогикалық мамандықтың мәртебесін және беделін арттыру;
 - жас педагогтардың әдістемелік деңгейін жетілдіру;
 - жас педагогтардың оқу-тәрбие процесіне инновацияларды еңгізу;
 - эксперименттік және инновациялық жұмыстардағы кәсібилігі мен дербестігін дамыту;
 - жас мамандардың өз педагогикалық қызметіне талдау және өзін-өзі жетілдіру,
 - шығармашылық қабілеттері мен белсенді кәсіби ұстанымдарын дамыту;
 - кәсіби қоғамдастықта жас мамандар өзін-өзі жетілдіру және әріптестерінің қолдауы үшін, кәсіби қарым-қатынас мүмкіндіктерін құру.

Педагогикалық олимпиаданың құрылымы мен қатысушылары

6. Педагогикалық олимпиаданың құрылымы (қатысушылардың еңбек өтілі 5 жылдан аспауы тиіс):

Олимпиада мазмұны кәсіби білім беру аясында педагог тұлғасының шығармашылық өзін-өзі анықтау және өзіндік жетілу қабілетін, білім беру үрдісінде кәсіби педагогикалық шеберліктерін көрсетуге мүмкіндік беретін конкурс тапсырмаларын қарастырады.

7. Педагогикалық олимпиада белгіленген тәсілдерге негізделеді, сондықтан конкурстың педагогикалық тапсырмаларын іріктеу барысында олардың жалпы кәсіби біліктіліктің жүйесіне сәйкес күрделенуін қарастырады.

Педагогикалық олимпиада жеңімпаздарын анықтаудың жалпы өлшемдері

8. Өзін - өзі таныстыру (5 мин.) «Педагогикалық дебют» TED форматында қорғау

- шығармашылық жұмысты таныстырудағы дайындық дәрежесі;
- өз жұмысының жетістіктері мен сәтсіздіктеріне жан-жақты талдау жасай білуі;
- ақпараттық және компьютерлік технологияларды пайдалануы;
- ауызша сөйлеу өнері (айқындылығы, мәнерлілігі, образдылығы, сауаттылығы);
- импровизациялық қабілеті;
- аудиторияға ықпал ету дәрежесі.

9. Жалпы мәдениеті:

- ой-өрісі және ойлау қабілетінің ерекшелігі;
- коммуникативті мәдениеті.

10. Бағалау өлшемдері:

- жүйелілік және аргументтілік;
- кәсіби қызмет динамикасы;
- материалдардың әр түрлілігі мен толықтығы;
- материалдың эстетикалық безендірілуі.

11. Сабақ фрагментін презентациялау (5-7 мин.)

Материалдарын бағалау өлшемдері:

- құзыреттілік (әдістемелік сауаттылығы, білімнің тұрақтылығы, АКТ-ны қолдану, психологиялық атмосфера, сабақтың мақсаттары мен міндеттерін жүзеге асыруы);
- рефлексивті (қатысушының жұмыс тақырыбы бойынша жеке ұстанымы, педагогикалық құралдарды аргументті таңдау, өзіндік табыстылық қабілетінің деңгейін анықтау)

Олимпиада кезеңдері

12. Педагогикалық олимпиада бірнеше кезеңдерден тұрады:

I кезең - облыстық, Алматы облыстық білім беруді дамыту оқу әдістемелік орталығы 2021 жылдың 22 қазанында өткізеді. Қатысу үшін ұсыныс (электронды почта tal.metod@mail.ru) 2021 жылдың 18 қазанына дейін қабылданады.

II кезең – қорытынды, 2021 жылдың қараша айында, Қазақстан Республикасының білім және ғылым министрлігінің «Дарын» республикалық ғылыми-практикалық орталығы өткізеді.

Педагогикалық олимпиаданың ұйымдастыру комитеті мен қазылар алқасы

13. Педагогикалық олимпиаданы дайындау және өткізуді облыстық ұйымдастыру комитеті жүзеге асырады (бұдан әрі - Ұйымдастыру комитеті).

14. Ұйымдастыру комитеті мынандай функцияларды жүзеге асырады:

- кезеңінде түскен конкурстық материалдардың тәртібін үйлестіреді;
- Педагогикалық олимпиаданың қатысушылары ұсынған материалдарға сараптама өлшемдерін әзірлейді;
- Педагогикалық олимпиаданың іріктеу кезеңі нәтижелерін техникалық өңдеуде жүзеге асырып, қорытынды кезеңіне қатысушылардың құрамын анықтайды;
- Педагогикалық олимпиаданың облыстық кезеңінде қазылар алқасының жұмысын ұйымдастырады;
- қорытындысын шығарады және салтанатты марапаттау рәсімінің ұйымдастырылуына қатысады.

Педагогикалық олимпиаданың өткізу орны мен күнін, тәртібін белгілейді;

15. Ұсынылған жұмыстар санына байланысты, Ұйымдастыру комитеті қатысушылар арасынан облыстық кезеңінен қорытынды кезеңіне қатысушылар құрамын анықтау құқығын өзіне қалдырады.

16. Конкурс іс-шараларын бағалау үшін қазылар алқасы құрылады. Қазылар алқасының құрамын Педагогикалық олимпиаданың ұйымдастыру комитеті құрады.

17. Қазылар алқасының құрамына жоғары оқу орындарының ғалымдары, «НЗМ» ДББҰ Педагогикалық шеберлік орталығы мен Назарбаев зияткерлік мектебінің мамандары, облыстық кәсіподақ ұйымы маманы, облыстық әдістемелік кабинет қызметкерлері кіреді.

Педагогикалық олимпиаданың жеңімпаздарын марапаттау

1. Педагогикалық олимпиаданың жеңімпаздары Алматы облыстық әдістемелік орталығының I, II, III дәрежелі дипломдары және грамоталарымен марапатталады.